

31. desember 1969.

401

Nr. 96.

## AUGLÝSING

### um staðfestingu forseta Íslands á reglugerð um Stjórnarráð Íslands.

Forseti Íslands hefur hinn 31. desember 1969 samkvæmt tillögu forsætisráðherra staðfest svo hljóðandi reglugerð um Stjórnarráð Íslands.

#### 1. gr.

Stjórnarmálefni ber undir ráðuneyti eftir ákvæðum reglugerðar þessarar.

#### 2. gr.

Forsætisráðuneyti fer með mál, er varða:

1. Stjórnskipan lýðveldisins og stjórnarfar almennt.
2. Embætti forseta Íslands og embættisbústað.
3. Ríkisráð Íslands.
4. Alþingi.
5. Skipun ráðherra og lausn.
6. Skiptingu starfa milli ráðherra og ráðuneyta.
7. Ríkisstjórn og Stjórnarráð Íslands í heild, þar á meðal ráðstöfun skrifstofuhúsa og gestahúsa ríkisstjórnarinnar.
8. Fána Íslands og ríkisskjaldarmerki.
9. Hina íslenzku fálkaorðu og önnur heiðursmerki.
10. Þingvelli og Þingvallapjóðgarð.
11. Embætti húsameistara ríkisins.
12. Embætti blaðafulltrúa ríkisstjórnarinnar.
13. Efnahagsstofnun og verkefni hennar, sbr. II. kafla laga nr. 66/1966.

#### 3. gr.

Dóms- og kirkjumálaráðuneyti fer með mál, er varða:

1. Lögsagnarumdæmi, dómaskipan, dómstóla, aðra en Félagsdóm, réttarfar og málflutningsmenn.
2. Meðferð ákærvalds, er það ber undir dómsmálaráðherra að lögum, og eftirlit með framkvæmd ákærvalds annars.
3. Framkvæmd refsingar, fangahús og vinnuhæli, reynslulausn refsifanga, náðun og uppgjöf sakar, uppreist æru, fangahjálp og framsal sakamanna.
4. Lögreglu og löggæzlu.
5. Bifreiðaeftirlit og umferð.
6. Gæzlu landhelgi og fiskimiða, sjómælingar og sjókortagerð.

A 49

7. Eftirlit með innflutningi, framleiðslu, sölu og meðferð skotvopna, skotfæra og sprengja.
8. Framkvæmd áfengislöggjafar, sem eigi ber undir annað ráðuneyti.
9. Skipströnd og vogrek.
10. Eftirlit með útlendingum.
11. Öryggisgæzlu á vinnustöðum og Öryggiseftirlit ríkisins.
12. Vegabréf, önnur en diplomatisk vegabréf.
13. Sifjarétt, erfðarétt, persónurétt, yfirfjárráð og eignarréttindi.
14. Eignarrétt og afnotarétt fasteigna, sbr. lög nr. 19 6. apríl 1966.
15. Ríkisborgararétt.
16. Prentfrelsi og prentrétt.
17. Mannréttindi.
18. Kjör forseta Íslands, kosningar til Alþingis, þjóðaratkvæði og aðrar almannakosningar, sem eigi ber undir annað ráðuneyti.
19. Útgáfu Stjórnartíðinda, lagasafns og Lögbirtingablaðs.
20. Staðfestingu á skipulagsskrám sjóða og stofnana, eins og tíðkapt hefur.
21. Happraætti, veðmálastarfsemi, hlutaveltur, getraunir og almennar fjársafnanir.
22. Mælitæki og vogaráhöld.
23. Niðurjöfnunarmenn sjóttjóns, fasteignasölu, dómtúlka og skjalapýðendur.
24. Almannavarnir.
25. Kirkjumál og safnaða, þar á meðal embætti biskups og skipan prestakalla.
26. Grafreiti og útfararstofnanir, þar á meðal bálstofur.

#### 4. gr.

Félagsmálaráðuneyti fer með mál, er varða:

A. *Stjórn sveitarfélaga og sýslna, þar á meðal:*

1. Sveitarstjórnarkosningar og sýslunefnda, mörk sveitarfélaga, tekjustofna sveitarfélaga, Jöfnunarsjóð sveitarfélaga, Lánasjóð sveitarfélaga, aðstoð við landakaup sveitarfélaga og Bjargráðasjóð Íslands.
2. Framfærslu og sveitfesti.
3. Brunavarnir og Brunamálastofnun ríkisins.
4. Skipulag, skipulagsstjórn ríkisins og embætti skipulagsstjóra.
5. Samband íslenzkra sveitarfélaga.

B. *Íbúðarhúsnæði, þar á meðal:*

1. Húsnæðismálastofnun ríkisins, framkvæmdanefndir byggingaáætlana, byggingasjóð ríkisins, lán húsnæðismálastjórnar, vísitölulán veðdeildar Landsbanka Íslands, launaskatt og sparnað til íbúðabygginga í þéttbýli, Byggingasjóð aldraðs fólks og útrýmingu heilsuspillandi húsnæðis.
2. Verkamannabústaði, byggingasjóð og byggingafélög verkamanna og byggingasamvinnufélög.
3. Byggingu leiguíbúða á vegum sveitarfélaga, Öryrkjabandalags Íslands og elliheimila.
4. Sambýli í fjölbýlishúsum.

C. *Vinnu, þar á meðal:*

1. Stéttarfélög launþega og atvinnurekenda, kjararannsóknir, vinnudeilur, sáttasemjara og sáttastörf í vinnudeilum og Félagsdóm.

2. Skráning atvinnulausra, vinnumiðlun, atvinnujöfnun, hagræðing á vinnu-  
markaði, Atvinnujöfnunarsjóð og atvinnubætur.
3. Endurhæfingu læknisfræðilega og starfslega, vegna skertrar starfshæfni,  
endurhæfingarstöðvar, styrktarsjóði vangefinna, fatlaðra og blindra svo og  
erfðafjársjóð.
4. Orlof, heimilishjálp og orlofssjóð húsmæðra.
5. Atvinnuleyfi útlendinga.

### 5. gr.

Fjármálaráðuneyti fer með mál, er varða:

#### I. Hið almenna ráðuneyti.

1. Fjármál ríkisins, að því leyti sem þau eru ekki fengin öðrum aðiljum.
2. Eignir ríkisins, þar á meðal verðbréf og hlutabréf, svo og fyrirsvar þeirra  
vegna, meðal annars að því er tekur til stjórnar fyrirtækja í eigu ríkis-  
ins að öllu leyti eða nokkru, nema lagt sé til annars ráðuneytis.
3. Framkvæmdasjóð ríkisins og Jöfnunarsjóð ríkisins.
4. Skatta og tolla, tollgæzlu og tollvörugæmslur.
5. Rekstur verzlunar á vegum ríkissjóðs, þar á meðal Áfengis- og tóbaks-  
verzlun ríkisins og Innkaupastofnun ríkisins.
6. Ríkislán og hvers konar lántökur ríkisstofnana, er A-hluti ríkisreiknings  
tekur til, sbr. lög nr. 22/1966.
7. Ríkisskuldabréf og ríkisábyrgðir.
8. Launamál starfsmanna ríkisins, þar á meðal eftirlaun ríkisstarfsmanna  
og ekkna þeirra.
9. Réttindi ríkisstarfsmanna og skyldur.
10. Lífeyrissjóði.
11. Fasteignaskráning og fasteignamat.
12. Ríkisféhirzlu og ríkisbókhald.
13. Eftirlit með innheimtumönnum ríkissjóðs.
14. Endurskoðendur og framkvæmd bókhaldslaga.

#### II. Ríkisendurskoðun.

1. Endurskoðun reikningsskila embætta, ríkisstofnana og sjóða í vörzlu ríkis-  
ins.
2. Umsjón og eftirlit með endurskoðun á reikningsskilum ríkisstofnana, er  
endurskoðendur þeirra eru skipaðir eða kosnir samkvæmt sérstökum lögum.
3. Eftirlit með opinberum sjóðum samkvæmt lögum nr. 20/1964.
4. Eftirlit með rekstri ríkisstofnana lögum samkvæmt, sbr. II. kafla laga nr.  
61/1931 og 82. gr. laga nr. 52/1966.

#### III. Fjárlaga- og hagsýslustofnun.

1. Undirbúning og samning fjárlaga.
2. Greiðslur umfram fjárlagaheimildir.
3. Framkvæmda- og fjáröflunaráætlanir ríkisins.
4. Húsaleigu- og bifreiðamál ríkisins.
5. Almennar umbætur í ríkisrekstri.

**6. gr.**

Hagstofa Íslands fer með mál, er varða:

1. Almenna tilhögun og framkvæmd opinberrar hagskýrslugerðar.
2. Söfnun gagna um landshagi, úrvinnslu þeirra og útgáfu hagskýrslna, sbr. lög nr. 24/1913.
3. Vísitölu- og verðlagsuppbótarmál.
4. Kauplagsnefnd.
5. Skýrsluvélar ríkisins og Reykjavíkurborgar.
6. Þjóðskrá og almannaskráning, fyrirtækjaskráning og hliðstæð verkefni.
7. Skýrslur og úrskurði í þágu opinberra aðilja, svo sem verið hefur.
8. Álitsgerðir og útreikninga til undirbúnings efnahagsráðstöfunum eftir nánari ákvörðun ráðherra.
9. Almenna upplýsingaþjónustu, svo sem tíðkapt hefur.

**7. gr.**

Heilbrigðis- og tryggingarmálaráðuneyti fer með mál, er varða:

1. Almenn heilbrigðismál, heilsugæzlu og heilsuvernd.
2. Læknaskipan.
3. Embætti landlæknis og Læknaráð Íslands.
4. Sjúkrahús og heilsuhæli.
5. Hjúkrunar- og elliheimili.
6. Lyf og lyfsala.
7. Eiturefni og hættuleg efni.
8. Áfengisvarnir og bindindisstarfsemi.
9. Hvers konar tryggingar og váttryggingarstarfsemi.
10. Tryggingastofnun ríkisins.

**8. gr.**

Iðnaðarráðuneyti fer með mál, er varða:

1. Iðju, iðnað og iðnþróun, Iðnþróunarráð, Iðnaðarmálastofnun Íslands, Rannsóknastofnun iðnaðarins og Rannsóknastofnun byggingariðnaðarins.
2. Orku, orkuvirkjun, orkuvirki, Orkustofnun og Orkusjóð, sbr. orkulög nr. 58/1967, lög nr. 59/1965 um Landsvirkjun og lög nr. 60/1965 um Laxárvirkjun.
3. Námur og námarekstur.
4. Niðursuðu og niðurlagningu sjávarafurða.
5. Réttindi á sviði iðnaðar, sbr. lög nr. 102/1961, einkaleyfi, vörumerki og mynstur.
6. Sementsverksmiðju ríkisins, Landssmiðju, Ríkisprentsmiðjuna Gutenberg, Sildarniðursuðuverksmiðju ríkisins og Kísiliðjuna h/f.
7. Iðnlánasjóð og Iðnaðarbanka Íslands h/f.
8. Hinn norræna iðnþróunarsjóð fyrir Ísland.

**9. gr.**

Landbúnaðarráðuneyti fer með mál, er varða:

1. Landbúnað og ræktun, þar með talin skógrækt.
2. Landnám ríkisins og landgræðslu.
3. Fræðflun og fóðurs.
4. veiði í ám og vötnum svo og önnur veiðimál, er eigi ber undir annað ráðuneyti.

5. Áveitur og fyrirhleðslur.
6. Loðdýrarækt.
7. Eyðingu refa og minka.
8. Dýralækna og varnir gegn búfjársjúkdómum.
9. Búfjártryggingar.
10. Þjóðjarðir og kirkjujarðir.
11. Mat, verðskráningu, sölu og dreifingu landbúnaðarafurða svo og útflutningsbætur landbúnaðarafurða.
12. Framleiðsluráð landbúnaðarins.
13. Rannsóknastofnun landbúnaðarins.
14. Mjólkurbú.
15. Grænmetisverzlun landbúnaðarins.
16. Bændaskóla og Garðyrkjuskóla ríkisins.
17. Búnaðarfélag Íslands og búnaðarfélög.
18. Búreikningaskrifstofu ríkisins.
19. Áburðarverksmiðju ríkisins og Áburðarsölu ríkisins.
20. Vélasjóð.
21. Búnaðarbanka Íslands.
22. Jarðeignasjóð ríkisins, Framleiðnisjóð svo og fjárfestingar- og lánasjóði landbúnaðarins.

#### 10. gr.

Menntamálaráðuneyti fer með mál, er varða:

1. Kennslu og skóla, þ. á m. Háskóla Íslands, menntaskóla, gagnfræðastigsskóla og barnaskóla. Enn fremur kennaraskóla, tækniskóla, sjómannaskóla, vélaskóla, matsveina- og veitingaþjónaskóla, iðnfræðsluskóla, húsmæðraskóla, verzlunarskóla, tónlistarskóla, myndlistarskóla, leiklistar- og listdanssskóla, heyrnleysingjaskóla, blindraskóla, svo og aðra skóla og námsstofnanir, sem ekki eru sérstaklega falin öðru ráðuneyti. Almenna fræðslustarfsemi, þ. á m. námsflokka og bréfaskóla. Lánasjóð íslenzkra námsmanna og námsstyrki, þ. á m. styrki til erlendra námsmanna. Ríkisútgáfu námsbóka. Fræðslumyndasafn ríkisins.
2. Vísindastarfsemi, fræðistörf og rannsóknastofnanir, sem ekki ber undir önnur ráðuneyti, þ. á m. Náttúrufræðistofnun Íslands, Tilraunastöð háskólans í meinafræði, Handritastofnun Íslands, Rannsóknaráð ríkisins og Vísindasjóð.
3. Söfn, þ. á m. Landsbókasafn, Háskólabókasafn, almenningubókasöfn, lestrarfélög, Þjóðminjasafn, byggðasöfn, Þjóðskjalasafn, héraðsskjalasöfn, náttúrugripasöfn, Listasafn Íslands, Listasafn Einars Jónssonar, Ásgrímssafn og önnur listasöfn.
4. Listir. Þjóðleikhús, leikfélög og aðra leiklistarstarfsemi, Sinfóníuhljómsveit Íslands og aðra tónlistarstarfsemi. Listsýningar og aðra listkynningu innan lands og utan. Listamannalaun. Menntamálaráð Íslands. Rithöfundasjóð Íslands. Stuðning við bókmenntir og útgáfustarfsemi. Kvikmyndir.
5. Ríkisútvarp (hljóðvarp og sjónvarp).
6. Höfundarétt.
7. Mannanöfn, bæjanöfn, örnefni, Íslenzka málnefnd.
8. Félagsheimili og félagsheimilasjóð.
9. Æskulýðsstarfsemi, Æskulýðssamband Íslands, Ungmennafélag Íslands, íþróttir, íþróttasamband Íslands, Íþróttasjóð. Aðra félagsstarfsemi á sviði menningarmála, þ. á m. Kvenfélagasamband Íslands.

10. Vernd barna og ungmenna, Barnaverndarráð Íslands og barnaverndarnefndir.
11. Náttúruvernd, minjar og þjóðgarða, aðra en Þingvelli.
12. Fuglafriðun og fuglaveiðar. Dýravernd. Friðun hreindýra og eftirlit með þeim.
13. Skemmtanaskatt, annað en innheimtu.

#### 11. gr.

Samgönguráðuneyti fer með mál, er varða:

1. Vegi og vegagerð.
2. Vita, hafnir, Hafnabótasjóð og sjóvarnargarða.
3. Flug og flugvelli.
4. Siglingar.
5. Skipulag samgangna á landi, í lofti og á sjó.
6. Rekstur flutningatækja á vegum ríkisins.
7. Eftirlit með skipum, Skipaskoðun ríkisins, skipamælingar, skráning skipa, lögskráning sjómanna og atvinnuréttindi þeirra.
8. Veðurstofur.
9. Ferðalög, veitingahús, ferðaskrifstofur, umferðarmiðstöðvar og Ferðamálasjóð.
10. Landmælingar.
11. Póst og síma svo og önnur fjarskipti.

#### 12. gr.

Sjávarútvegsráðuneyti fer með mál, er varða:

1. Sjávarútveg.
2. Friðun og nýtingu fiskimiða.
3. Hafrannsóknastofnunina og Rannsóknastofnun fiskiðnaðarins.
4. Mat sjávarafurða.
5. Fiskifélag Íslands, Fiskimálaráð, Síldarútvegsnefnd og Verðlagsráð sjávarútvegsins.
6. Aflatryggingarsjóð sjávarútvegsins, Fiskimálasjóð, Fiskveiðasjóð Íslands, Styrktar- og lánasjóð fiskiskipa, Stofnfjársgjóð fiskiskipa, Tryggingasjóð fiskiskipa og Verðjöfnunarsjóð fiskiðnaðarins.
7. Síldarverksmiðjur ríkisins og Tunnuverksmiðjur ríkisins.

#### 13. gr.

Utanríkisráðuneyti fer með mál, er varða:

1. Skipti forseta Íslands og annarra þjóðhöfðingja.
2. Sendiráð og ræðismannsskrifstofur Íslands erlendis.
3. Sendiráð og ræðismannsskrifstofur erlendra ríkja á Íslandi.
4. Skipti við erlend ríki.
5. Réttindi Íslendinga og íslenzka hagsmuni erlendis.
6. Samninga við önnur ríki og gerð þeirra.
7. Aðild Íslands að alþjóðlegum samtökum, stofnunum, ráðstefnum og fundum, er varða opinbera hagsmuni og eigi ber undir annað ráðuneyti, samkvæmt ákvæðum þessarar reglugerðar eða eðli máls.
8. Diplomatiske vegabréf, þjónustuvegabréf og áritun vegabréfa.
9. Kynningu Íslands og íslenzkra efna með öðrum þjóðum, nema slík mál séu lögð til annars ráðuneytis.

10. Framkvæmd varnarsamnings Íslands og Bandaríkjanna, þar á meðal innan marka varnarsvæðanna lögreglumál, dómsmál, tollamál, póst- og símamál, flugmál, radarstöðvamál, heilbrigðismál, félagsmál og önnur þau mál, er leiðir af dvöl hins erlenda varnarliðs í landinu, sbr. lög nr. 106 17. desember 1954 um yfirstjórn mála á varnarsvæðunum o. fl.

14. gr.

Viðskiptaráðuneyti fer með mál, er varða:

1. Verzlun og viðskipti, þar á meðal útflutningsverzlun og innflutningsverzlun.
2. Undirbúning og framkvæmd viðskiptasamninga.
3. Skipti Íslands við alþjóðleg efnahags- og viðskiptasamtök og fjármálastofnanir.
4. Gjaldeyri.
5. Seðlabanka Íslands, aðra banka og sparisjóði, sem eigi ber undir annað ráðuneyti.
6. Gjaldmiðil og myntsláttu.
7. Verðskráningu og verðlag, nema lögð séu til annars ráðuneytis.
8. Hlutfélög, samvinnufélög og önnur félög um verzlun eða annan atvinnurekstur.
9. Verzlunarskrár og firmu.
10. Vörusýningar erlendis.

15. gr.

Málefni, sem eigi er getið í 2.—14. gr., skulu lögð til ráðuneytis, þar sem þau eðli sínu samkvæmt eiga heima, sbr. 1. mgr. 8. gr. laga nr. 73/1969.

16. gr.

Nú leikur vafi á, hvaða ráðuneyti skuli með mál fara, og sker forsætisráðherra þá úr.

17. gr.

Reglugerð þessi, sem sett er samkvæmt 8. gr. laga nr. 73/1969, öðlast gildi 1. janúar 1970.

*Í forsætisráðuneytinu, 31. desember 1969.*

**Bjarni Benediktsson.**

*Birgir Thorlacius.*